

782


DISSERTATIO MEDICA,

INAUGURALIS,

QUÆDAM DE

PUERPERARUM FEBRE

COMPLECTENS.

Digitized by the Internet Archive
in 2020 with funding from
Wellcome Library

DISSERTATIO MEDICA
 INAUGURALIS,
 QUÆDAM DE
 PUERPERARUM FEBRE
 COMPLECTENS.

QUAM,
 ANNUENTE SUMMO NUMINE,
 Ex Auctoritate Reverendi admodum Viri,
 D. GULIELMI ROBERTSON, S.S.T.P.
 ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
 Et nobilissimæ FACULTATIS MEDICÆ decreto;

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
 RITE ET LEGITIME CONSEQUENDIS;

Eruditorum examini subjicit

PETRUS ASHTON,

ANGLUS,

Soc. Reg. Med. Sod. Edin.

Soc. Phys. Chirurg.

Obstet. Chirurg. Soc. Hon.

Et

Ejusdem Praefes Annuus.

Such are the Shafts the fierce Ilithyiae send.

POPE, *Translation of Homer's Iliad.*

Ad diem 12. Septembris, hora locoque solitis.

EDINBURGI:
 Apud BALFOUR et SMELLIE,
 Academiae Typographos.

M,DCC,LXXXVII.

322291



HENRICO CULLEN, M.D.

F. R. S. EDIN.

Nosocomii Regii Edinensis Medico,

Viro,

Humanitate et benevolentia insigni,

Erga aegros et indigentes feliciter exercitis ;

Ob beneficia multa in se collata :

Nec non

J O A N N I W A T K I N S,

A R M I G E R O,

Animo maxime benigno praedito ;

Sicut haud pauci,

Et praecipue aetate teneriores,

Experti sunt ;

Denique,

J O S E P H O D A I N T I T H,

A R M I G E R O,

Dilectissimo suo amico,

Vitae integerrimo,

Qui erga cunctos, morum suavitatem,

Summum omnium amorem conciliavit,

Apud Rigodunum,

In agro Lancastriensi,

Degentibus ;

Hæc suorum studiorum primitias

Obfert

P E T R U S A S H T O N.

St Caldwell
with Compts from
his humble servant
P. Ashton

DISSERTATIO MEDICA,

INAUGURALIS,

QUÆDAM DE

PUERPERARUM FEBRE

COMPLECTENS.

PROOEMIUM.

MULTA jam antea de hac febre
prolata fuere; et in eandem, haud
obscuri nominis auctores, ingenio acri na-
tura praediti, atque scientia multa et varia
imbuti, laborem impenderunt non levem:
Nempe, ut magis idoneam redderent hunc
A morbum

morbum curandi rationem; et insuper, quia ipse, ex omnibus, qui forte partum insequantur, maxime periculosus est habendus. His igitur rite perpensis, me aliquid novi ausurum esse, certe expectabit nemo. Nihilominus, quia non pauca me impellunt, ut, aliqua saltem cura, ad hoc malum animum intenderem, quippe quod, fere quotidie quemvis artem medicam exercentem offendit, et ejus non levem curam merito postulat, ideo aggressus sum.

Ut autem solito more hoc prosequar, incipiendum est ab ejus

H I S T O R I A.

Secundo plerumque post partum, aut incipiente tertio die, suos ortus ostendere solet hic morbus.

Ejus

Ejus invasio nequaquam certa est habenda, aut uniusmodi; etenim non defuere exempla ejusdem intra quatuor et viginti horas post partum se in conspectum proferentis; quanquam interdum non nisi post quatuor aut quinque dies; imo etiam non ante duodecimum * forsitan conspiciatur.

Initia ejus comitantur frigoris, extrema corporis perstringentis, sensus, ingens debilitas, languor, nausea, alia signa, iis, quae febris intermittentis stadio frigido adesse solent, non absimilia; quodque, in hac, aequae ac illa, calidum excipit.

Stadio in hoc, dolore valde molesto non vacat caput; illo autem sinciput praecipue laborat: eodem vero regio hypogastrica, eaque pubis, super omnes alias partes, torquentur; atque latius deinceps ab istis se hic dolor extendens, totum abdomen occupat, et ejus tegumenta tam exquisite sentientia

* Home.

tientia reddit, quod aegrae ex tactu etiam
 levissimo cruciatus, vix quidem toleran-
 dus, infertur: Interea plerumque pulsus ar-
 teriarum submissi et exigui evadunt, at ce-
 leriores; quamvis in plethoricis duri, et for-
 tes; iidem revera sub morbi initiis vix mu-
 tantur; sed, progrediente eo, et crebrius
 arteriae micant et pleniores, atque magis
 distensae digitum offendunt. Calida ple-
 rumque cutis et sicca; in quibusdam, lingua
 usquedum jam provectior sit febris, nequa-
 quam, quod ad ejus speciem, mutatur; at
 postea fere semper arido quodam, fusco, aut
 nigrescente obducta conspicitur; in aliis ve-
 ro, usque ab inchoante febre, arida est; et
 urget sitis vehemens. Cito post aggressio-
 nem mali, dyspnoea angere incipit; labo-
 ratque, plus minusve, respirandi facultas;
 spiritus autem vix aut ne vix strepens est;
 hocque incommodum, simili ratione, ac ab-
 dominis dolor, augeri videtur; dyspnoeam
 anxietas, et oppressio circa praecordia, in-
 sequuntur; et quo violentior morbus, aut
 diutius

diutius mansit, eo magis infirmum corpus. Istis ex causis non solum ampliatur abdomen; sed inducitur vomitus ejusdem materiae viscidae, subviridis, aut subflavae, molesta alvi proluvies, et tenesmus valde inquietans, faeces nec non quodammodo simulant materiam vomitu ejectam; et nonnunquam tam insigniter putridae et maleolentes dicuntur fuisse, ut etiam alias contagione inficerent *.

Plerumque, per paucos dies urina parca est, nec sine difficultate redditur; color ejusdem nequaquam semper idem; rubella est enim fere sub morbi initium, eoque provectiore adhuc, rubrior fit, et aliquando fuscum sedimentum deponit. Haud raro nec quantitate nec qualitate lochia mutantur, subinde autem nigra profluunt et foetent; aut etiam omnino deficiunt. Similes quoque mutationes lactis secretio subire videtur; nam in quibusdam minuitur; prorsus

* White.

fus in aliis cessat ; porro, in aliis per totum morbi progressum permanet, et etiam, cum mors, non nisi paucarum intervallo horarum distat. Tanta fere semper anorexia adest, quod, omnia praeter acida et aquam gelidam, aegra fastidit.

Quum jam febris per paucos dies persistit, inflammationis signa plerumque leniora fiunt, et omnia ad putredinem magis prolabuntur. Hoc tempore, si non incipiente morbo, biliosa aut putrida diarrhoea supervenit, et deinceps non cessat ; at eam, sicut monuit celeberrimus Home, non nisi symptomaticam esse opinor. Sorde quadam fusca et tenaci obtekti fiunt dentes : vibices, petechiae, aliaque ejusmodi, se manifestare incipiunt : super collum primo, et ad mammas, at postea per totum corpus, conspiciuntur ; non tamen, prorumpentibus iis, aliqua ex parte, lenitur malum.

Dolor

Dolor nunc acerbus, nec cessans incipit exagitat, et pervigilium valde inquietum.

Ista peculiaris anxietas, quae etiam a morbi initio contristabat, augetur nunc; oculi non amplius solito splendore micant, sed omni hora magis atque magis languidi fiunt; si quando aegra (parum vero inde reficienda) aliquandiu obdormiscat, non solito more clauduntur palpebrae; nares quoque latiores evadunt; in genis circumscriptae maculae caeruleae, vel quodammodo rubrae apparent; labia livefcunt; faeces et urina, inscia aegra, profluentes, et sudores viscidii, quasdam solummodo partes humectantes, lethum jam adesse indicant.

Juxta hoc tempus abdomen non solum maxime tumet, sed nonnunquam colori subviridi esse, aut etiam nigrescere * incipit.

Paucis

* Tissot.

Paucis ante supremam horis, dolores in eo prorsus cessant; unde forsan miserae et suis aliquid spei oboriatur; fallax autem ista; cito enim subsultus tendinum, delirium, et singultus arripiunt, et mors propero pede instat.

Vertigini, quae hunc morbum comitari solet, hoc fere peculiare est, quod ab ea nunquam nisi, quum non multum distat ultima hora, delirium inducitur.

QUÆ INCISA CADAVERA MONSTRARUNT.

Ex quidem cadaveribus incisis, morbi nullius minus quam hujus resecta est natura: Ista enim, quae se in conspectum edunt, tantum referunt, quae inflammatio-

nes

nes caeterae relinquunt, quod ubi hujus sit sedes, qualisque natura, non ita, ut animus expleatur, colligere aliquo modo possumus. Abdomine inciso, aëris male olentis aliquid prorumpit; latex necnon foetens, et quodammodo flavus, in eo fluitans reperitur, largior parciorve. Intestina, secundum Leake, et alios, qui ista, quae cadavera hoc morbo peremptarum monstrarunt, praecipua attentione animadvertere, plus minusve inflammata conspiciuntur, aliquando ad suppurationem usque progressa, aut etiam gangraena correpta. At non erudito nostro Home placet hoc; asseverat enim, intestina leviter et ubique pariter inflammari; aut, si aliquid discriminis sit, istam omenti partem, quae intestina adjacet, praecipue affectam fuisse observatam.

Ovaria nunc admodum rubentia, nunc indurata fuere reperta, aut nonnunquam in gangraenam ferme lapsa *. At quia abdo-

B

minis

* Home, et Med. Com. vol. 4th and 7th.

minis viscerum tot inflammatione afficiuntur, istae adhaesiones, quae, incisis cadaveribus, se ostendunt, tali origini sunt ascribendae. Uteri conditio vix mutata invenitur; nec ipse morbosus quodammodo fuisse videtur.

Inflammationem huic morbo nunquam deesse, imo ab eadem subinde ipsam pleuram non immunem fuisse, nos solers J. Hunter certiores fecit.

CAUSÆ OPPORTUNITATEM INDUCENTES.

Multum mutationis inter gestandum subire corpus muliebrem, auctamque irritandi facilitatem graviditati semper adesse, nausea, vomitus, mammarum glandulae tumentes,

mentes, levissima quaevis multum et longe praeter solitum conturbantia, magisque adhuc inter parturiendum, luculenter monstrant. Ut talem irritandi facilitatem huic morbo gignendo praecipue favere probaretur, argumento fuit eas, quae parturientibus subministrarunt, si gravidæ sint ipsae, non ante, sed post partum, hoc malo corripri * ; hincque revera, vix quare dubitaremus erit locus, graviditatem et partum inter causas, quae mulieres huic malo opportunas reddunt, praecipuas esse.

CAUSÆ EXCITANTES.

Hae quidem forsan variae et multae sint: praecipuae vero, et maxime insignes videntur

* Leake.

dentur esse, aër diu inclusus, et aerae non satis cubiculum perflantes; omnia, quae diathesin phlogisticam inducant, ut cibus ex carnibus confectus post partum nimis cito aut large sumptus, atque liquores meraciores; aut, ex altera parte, hujusmodi causae sint, quum diutius lecto affixa fuerit puerpera, victus parcus, contagio aut miasma putridum, in Nosocomiis quae tam saepe gignuntur; quaeque, etiam, aliter se rebus habentibus, ad febrem inducendam forsitan sufficerent; frigus, praecipue simul cum madore, corpori applicatum, nimius calor, utcunque admoveatur, evacuationes immodicae, praesertim si sanguinis profluvia sint; abdomen ligamentis nimis arctis constrictum; pravum obstetricis studium; et postremo aliquid acre, biliosum, aut putridum a tubo alimentario, utero, aut vagina absorptum: Ista enim omnia sufficiant ad talem humani corporis conditionem gignendam, qualis, cum causa, quae opportunitatem inducit, conjuncta, hunc nostrum morbum

morbum excitet: adjiciantur autem varii affectus animi, anxietas nempe, moestitia, ira, &c.; hi enim omnes, praecipue, si antea ad hunc morbum valde proclivis fuerit mulier, inter causas excitantes merito enumerandi sunt; inde ratio exoritur, quare innuptis haec febris tam saepe contingit, tamque infesta est.

Idem vero malum saepe a quibusdam mutationibus, quas, nostram effugientes industriam, nec a nobis detegendas, subit aër, promoveatur; et quando epidemicus quivis grassatur morbus, novas acquirit vires, et exasperatus valde letho dat plures: hincque in Nosocomiis saepius; alibi, et in libero aëre rarius, se obviam fert.

NATURA

N A T U R A M O R B I.

Ad hujus quidem mali naturam aut indolem explicandam, quod aut aliquo modo sufficiat, aut indaganti satisfaciat, me penes nequaquam esse proferre, fatendum hic. Omnia, quae varii, variis temporibus, de hac re excogitarunt, etiam obiter percurrere, quia eorum pleraque tam saepe, tantisque argumentis refutata fuere, quod vix aliquid de iisdem adnotandum restat, supervacaneum esset: nil igitur nostrum est, nisi ut ista, quae magis verisimilia videntur, perpendamus, et, quantum cuique fidendum est, explorare conemur. In tria autem redigantur ea, quae morbum excitare videntur, viz.

Imo,

1^{mo}, Lochia suppressa aut retenta.

2^{do}, Lac alibi transfusum.

3^{tio}, Intestina et omentum inflammatione correpta.

Quia humores plerique, postquam diu in suis receptaculis, aut ductibus excernentibus fuerint commorati, acriores fiunt; lochia quoque, et lac simili ratione, diu retenta, huic feбри excitantibus causis esse, existimatum fuit; opinor autem aliquid hujusmodi, vix aut ne vix quidem accidere posse; febrem enim puerperarum saepe multo citius, quam talis mutatio contingere posset, invadere reperimus; et insuper saepe haud adorta est, etiam quum non defuit causa, si ex his principiis ratiocinaremur, quare ejus invasionem expectaremus.

Lochia nec semper, nec certis et definitis temporibus, profluere, supra in morbi
historia

historia memoravimus ; nunc enim a fanitate non aliena sunt, iustaque eorum copia ; nunc parca, aut putrida ; aut subinde penitus etiam, morbo jam haud paulum pro-
 vecto, suppressa. Hoc igitur, aut causam
 solam, nullo modo febrem puerperarum
 inducere posse, non dubitandum manet.

Nec magis verisimile videtur, hunc mor-
 bum lacti extra propria vasa effuso ascribi
 debere ; similiaque objicere licet : quippe
 haud raro invadere, an haec secretio fuerit
 ex solita conditione mutata, an aliter, com-
 pertum est.

Intestina vero et omentum, inflammatione
 correpta, esse proximam habenda causam,
 multum dubii, quantum ego prospicere
 possum, secum adferre videtur ; si etiam
 talis opinio, non aequae ac caeterae duae,
 repudianda sit.

Ei qui praecipue favent, uterum recta post partum ad se contrahendum sollicitari admodum, primo contendunt; indeque principium desumpserunt; scilicet, ut istud organum solitam suam formam et magnitudinem recuperet; quiaque nunc non amplius, ut in se tali copia sanguis infundatur, quali antea, postulat, qualemque inter gestandum accipere solebat; hinc, aiunt illi, sanguis alio ex necessitate derivatus, in ista vasa irruit, in quibus ei minime obsistitur, nempe omenti, et intestinorum: illa autem recta nimiam distensionem patiuntur; ea-que distensio, opinantibus iisdem, huic morbo originem praebet.

Attamen, gestatione fere jam ad finem perducta, quumque partus quasi instabat, omentum fuisse vulneratum, nec tamen aliquid hujusmodi malum exortum accepimus; et hinc quodammodo probatur, talis affectionis causam solam morbosum omentum non esse *. Febrem necnon eandem

C

haud

* White, p. 412.

haud raro profluvia magna, quae post partum contingere nonnunquam solent, insectam esse non negari potest; quando nempe ita res se habebant, ut vix credi posset, omenti vasa nimis distensa esse: si praeterea vim contrahendi, qua uterus gaudet, prima in graviditate, quam iis quae forte sequantur, majorem esse concedatur (atque revera subita ejus contractio, et dolores aut nulli, aut leniores, qui primum partum sequi solent, tali opinioni favere videntur), nonne ab illis, quae nunquam antea Lucinam expertae sunt, haec febris maxime timenda? nonne periculi aliquid, ne eadem paracentesin sequeretur quoque?

Apud omnes constat, eadem se in putridis febribus, quae lethum inflixere omnigenis, signa se manifestare*; atque exinde obstatur, quo minus nos in hac, quae utilia sint, quod ad veram sedem ejus et naturam,

* Sir J. Pringle, Cleghorn, and Lind.

ram, colligamus. *In* partibus corporis diversis nonnunquam aliquid, quasi crisin, adferens *, deponi videretur; exindeque signa omnia manifesto mitescere observata sunt: at exempla hujusmodi non nisi raro obveniunt, nec semper depositum tale morbum prorsus fugat. Collatis igitur his, opinionem congestionem sanguinis in vasis omenti, et intestinorum, ibi inflammationi originem praebere, indicantem, magis phantasticam esse, magisque a contemplatione sola pendentem, quam ut magna fide digna habeatur, existimo; etenim ipsae res eam non satis suffulciunt, nec cadaverum incisiones eandem cum vero stare testatae sunt.

Erysipelas illud, quod, decedente hac febre, prorumpere solet, ut *symptomaticum* solummodo recensendum esse opinor.

Non absolum videtur (ut ista claudam) hunc morbum una cum iis, quibus a doctissimo

* Leake, Home, Med. Com. vol. 3d and 4th.

tissimo nostro Profef. Cullen *, inditum est nomen *Synochus*, recen eri ; ille enim, quantum ego dijudicare possum, ab iis non aliter distinguendus est, quam quod puerperas praecipue adoritur ; si igitur mihi eundem definitione signare liceret, vellem ut nuncuparetur, “ ille synochus qui puerperas prae caeteris infestat.”

Hujusmodi enim aliquid non longe a vero abhorrere quodammodo testatur modus, quo incipit, progreditur, et deinceps tantum festinat usque. Incipiens enim inflammationem tam ingentem secum adfert, quod clare sanguinem detrahi postulat ; quandocunque vero, secundum illustrissimi Cullen divisionem, jam *synochae* formam induere debet, signis istiusmodi. diei unus intervallo aut biduo, retro cedentibus, tantum putredinis superinducitur in omni corporis parte, quod affectio exinde prorsus *typhum* simulat.

D I A G N O S I S.

Hic nil aliud necessarium est, nisi ut percurramus paucos istos morbos, inter quos, et puerperarum febrem, quaedam similitudo intercedit: ita ut, quamprimum haec fuerit orta, et eam accuratius dignoscamus, et eidem quam celerrime obviam eamus. A doloribus istis, qui partum insequi solent, malum, de quo hic tractatur, molestia abdominis, valde gravis et inquietans distinguet; nec non in hoc dolor nunquam omnino quiescit. A febre vero, quae *lactea* nominatur, haec nostra diverse se habet, quod in ea non distenduntur et tumescunt mammae; quodque dolores circa pectus et lacertos, *huc et illuc profusiles*, non adsunt. In eadem vero non, sicut in *miliaria*,

aria, prurit cutis; nec eruptiones, quae in illa crisin adferre solent, in hac aliquid tale praestant.

Alvus vero, puerperarum febre ineunte, fere semper adstricta, an cholera invaserit, an aliter, vix unquam non indicabit. In hysteritide vero, quae multo magis quam caeteri morbi puerperarum febrem simulat, dolores non nisi in utero ipso et femoribus persentiuntur; in hac vero praecipue in ventriculo et intestinis: in illa aliquantulum tarda est alvus, in hac soluta: ex tactu autem non dolet uteri os, nec in ejus initio delirium exagitat. In nostra quoque, latius quam in Enteritide dolor se diffundit, nec solam umbilici regionem arripit; nec denique in ea, sicut in altera, pertinaciter adstricta est alvus.

PROG-

P R O G N O S I S.

Crisis plerumque inter quintum et undecimum diem contingit: et quo diutius protrahitur, eo melius de vita servanda sperare licet; quamvis revera non pauca huic contraria obvenere.

Quo serius necnon post partum hic morbus aggreditur, eo meliora augurare licet: inter omnia, non solum non infauſta, ſed felicem eventum praedicentia, recensentur alvi dejectiones lenes, doloremque minus acutum reddentes; urina fuscum ſedimentum deponens; magisque adhuc, ſi lochia, aliquandiu ſuppreſſa, iterum profluere incipiunt, ſique lactis ſecretio, eodem tempore, renovatur: ſi vero abdominis dolor
gradatim

gradatim decedit, sique postquam alvus jam aliquandiu fuerit laxata, lenis sudor ubique per corpus eliminatur; porro, si vomitus, anorexia, et alia signa, quae febrem comitabantur, evanescere incipiunt, tuto optandum exitum praesto esse expectare licet.

Si autem, contra, abdomen non detumet, cum jam alvus dejici incipit; atque insuper ab arteriis submissius, debilius, et crebrius micari incipit; si necnon inter spiritum alternandum constrictione quasi molestante angitur et laboratur; sique vires admodum deficiunt, petechiis interea erumpentibus, faecibusque nigrescentibus et male olentibus dejectis; periculum haud leviter timendum aegrae imminere certum est: at, si abdominis dolores subito cessant, dum arteriarum ictus adeo crebri sunt et exigui, ut non numerari possint; faeces, invita aegra, prolabuntur, materies subviridis aut nigrescens vomitu egeritur, viscosi sudores et frigidi corporis extrema occupant, et genis livor

livor infidet, urget non diutius evita-
nda mors.

PROPHYLAXIS.

Istis, quae in utero gestant quam alvus adstricta, nil magis periculofum; nec in quod minorem multi medicinam exercentes curam impenderunt; quamvis ab omnibus conceditur, eam ista incommoda, quibus obnoxia est praesertim gravida mulier, multo magis numerosa, saeviora, et magis per-
tinacia reddere.

Atqui huic malo optime occurreretur, cau-
te usurpando ista remedia, quae quidem so-
la aegrae conditioni conveniunt; laxantia
nempe clysmata, ut ol. ricin. commistum cum
aquae et gallici spiritus aequalibus partibus;

D

et

et ea, quae leniter dejiciunt ; non vita omnino iners et sedentaria puerperae debet esse ; sed illa potius crebro ad exercitationem levem, et jucundam, in aëre puro, et sub sereno Jove, allicienda. Sedulo quoque evitandae sunt istae animi affectiones, quae conturbent, nimisque commoveant: sit cibus nutriens, et concoctu facilis: conveniunt laxa vestimenta, modice crassa ; quibusque mulier assueta fuit.

Si nausea, vomitu, et hysteria laborat, et per noctem irrequieta vigilat, opii aliquantulum caute usurpatum, insigne commodum adferat : si vero nihilominus irritandi facilitas ubique corporis augefcit, ut morbo, ne insequatur, obstemus, ad corticem Peruvianum, aut aquas, quae per metalli venas fluxerunt, nosmet recipere oportet: in frigidum quoque balneum subinde, per totum gestationis spatium, descendere, optimos nonnunquam praestitit effectus: videturque, quod idem remedium, ni aliquid obftet, nequaquam

nequaquam inefficax esse ad istam proclivitatem, quae semper partui adest, morbum concipiendi, sistendam. Insuper, ne in corpore plethora inducatur, sedulo cavendum est.

Cum vero jam parturiit mulier, et peracta fuere omnia quae salutis ejus necessaria existimentur, absit quaecunque turba; aegra fervetur, quantum fieri potest, placida; et mentis et corporis quies sit, ut somnus ei per aliquot saltem horas concilietur: nec interea parvi est, ut cubiculum quam maxime sit mundum et nitidum; victus nunc constet ex iis quae refrigerent, quaeque a plantis parata, potius quam a carnibus animalium confecta, ventriculum non onerent; libere ei permittendus frigidus potus, et praecipue liquores, quibus immiscentur acida, et aliquid antisepticum.

Hic quoque, ne adstricta fiat alvus, sedulo cavendum est, quodam medicamento
leniter

leniter solvente mature usurpato, five per anum injiciatur, five assumatur ore. Convenit quoque, cito post partum, ut aliquantulum erigatur puerpera, et uberi cito admoveatur infans.

Nunc praecipuae causae, quae fortuito contingant, evitandae, animi nempe vehemens perturbatio, et nimium frigus temere admissum: at mundities connixe inculcanda *.

Necnon

* Sequentia a Pew de hac re citavit Van Swieten:
 “ Observata fidelia confirmaverunt, putrida haec mi-
 “ asmata nocuisse puerperis, dum in Nosocomiis de-
 “ cumbabant: magnus enim illarum numerus peri-
 “ bat; et suspicari coeperant Nosocomii Praefecti, ig-
 “ norantiam aut negligentiam obstetricantium in cau-
 “ sa esse. Plura secabantur cadavera defunctorum, et
 “ corporis interiora abscessibus plena fuerunt inventa.
 “ Sapiens medicus, omnia attente examinans, hanc
 “ causam invenit, quod sub conclavi puerperarum de-
 “ cumbunt vulnerati. Confirmabatur ejus sententia
 “ inde

Necnon aër libere cubiculum perflet;
nec tumultus adstantium, ut solent esse,
studia aut officia permittenda.

Nil enim certe magis absonum est, quam
ista multorum medicinam facientium prava
consuetudo, puerperas a se curandas, variae
voluntati aut praejudiciis muliercularum,
quae saepe nil norunt nisi turbae, commodo
sine ullo, se immiscere, subjiciendi: quam-
vis revera vix aliquis id, quod morosum
aut rigidum est, laudabit; atque hujusmodi
omnibus, ita ut puerperae periculum non
adferamus, indulgendum; etenim certe par-
turiens

“ inde imprimis, quod, aucto vulneratorum decum-
“ bentium numero, cresceret puerperarum strages;
“ minuto pariter decresceret. Aër humidus tam ca-
“ lidus quam frigidus nocebat; ficcus autem prode-
“ rat; notum enim est, humidum aërem putredini fa-
“ vere, praecipue si simul calidus fuerit. Dum au-
“ tem puerperae locabantur in conclavi inferiori, non
“ observabatur amplius haec strages: aër enim putri-
“ dis exhalationibus imbutus, levior est; unde superi-
“ ora petit.”

turiens sollicita cura, blanditiisque cunctis tractanda est; et ei, procul dubio, quodcunque Lucinae labores magis tolerandos reddat, facile concedi debet.

Quandocunque insignius est periculum, immodicum omne sedulo evitandum est; aliquid enim tale pejora semper inducere solet. Placentam igitur vi avellendi morem vix aliquis non damnabit; ille enim non solum crudelis, sed etiam periculosus est; et hodie propterea ab omnibus fere repudiatur; raro enim talis usus necessarius; et si quando postulari visa fuerit talis operatio, ideoque usurpata, ut iterum institueretur, eventus non saepe fuasit. Si vero unquam prorsus necessarium fiat hujusmodi aliquid aggredi, vix nosmet, quod ad illud, excusare licebit, nisi saltem per temporis aliquantulum, anteaquam ad id confugimus, quid opiata proficiant, tentaverimus; ut et quid ligamentum abdomen leviter primo, at deinceps paulatim magis compri-

mens;

mens ; gratia nempe utero se exonerare con-
nanti aliquid auxilii praebendi. Si autem
contagioni sit objecta aegra, quodcunque
ejus vires nocivas minuat et leniat, aut de-
nique, si fieri potest, inertes reddat, sedulo
nobis usurpandum : huicque consilio respon-
det praecipue cortex Peruvianus, aquae me-
tallo quodam tinctae, exercitatio non ve-
hemens, quique victus corpori robur et vi-
res impertiatur. Inter autem haec, maxi-
mi est momenti, ut quodcunque ad partum
pertineat, quam simplicissimo more peraga-
tur ; ut ex uberibus temporē, et ordine de-
bito, exugatur ; ut alvus non astringatur ;
et, ut supra memoratum est, aurae cubicu-
lum perflect : his enim rite observatis, non
solum lenior reddatur hicce morbus forsi-
tan, sed, quantumcunque metuendus sit, ne
unquam invadat prorsus obsistatur.

Quando nimia profluunt lochia, infusio
corticis Peruviani et rosarum rubrarum,
cum elix. vitr. acidi tanta copia, quan-

ta hauſtum non prorsus ingratum reddat, commiſſa; forſitan non inutile erit, ſi iſta, diutius retenta, acriora fuiſſe facta, quare ſuſpicaremur non deeſt cauſa, ut in uterum emollientia et antiſeptica injiciantur.

M E D E N D I R A T I O .

Varias opiniones, quae de hujus morbi ſublevandi rationibus fuere prolatae rem ipſam haud tantum, quantum forſitan expectaretur, provexiſſe dolendum eſt; rationes enim, ad quas quiſque ſeipſum recepit, theoriae potius, quam rebus ipſis accommodatae videntur: in duo autem conſilia dividi poteſt iſta, quae nobis ut maxime idoneam ſe obtulit, viz.

Imo,

imo, Ut diathesis phlogistica, aut minuat^r aut tollatur.

2do, Ut debilitati, et putredini infecuturae, obviam eatur: et interim, ut quae maxime urgeant signa leniantur.

1. Ut prima pars rite perficiatur, in usu sit regimen antiphlogisticum oportet; et inter ea, quae huc spectant, (scilicet ut phlogistica diathesis minuatur), praecipuum habendum est sanguinis detractio: at quidem de ejus utilitate in hoc morbo nil certum in medicorum scriptis prostat; quidam etenim venaesectionem prodesse contendunt; alii vero eam inutilem et periculosam habent: quod ad meipsum, eandem raro, aut forte nunquam, convenire opinor; nisi quando mulieres vegetae, robustae, et plethorae admodum opportunae sunt; in quibus necnon inflammationis signa intentant valde; et etiam ne in istiusmodi aegrotis, nisi summa cautione, nisque res acriter impellant,

E

iterari

iterari debet. Quandocunque sanguis detrahendus est, incipiente morbo id fiat; nec tamen largus sit, ne non commoda, quae parcior adferret, sed mala inde, inducta debilitate, oriantur. Apprime enim memoria dignum est, quod, quandocunque febres se ingentem debilitatem juxta eorum exitum illaturas esse minantur, ne ei favemus, sanguinis nimia detracta copia, cavendum *. Summatim, vix aliquid commodum haec exinanitio pollicetur; nonnulli enim morbum nunquam ab ea sublevari asseverarunt; pulsus necnon, sanguine misso, quamvis ipse coriacea pelle obductus sit, submissiorem fieri: in hac febre igitur sanguinem detracturi, quomodo se res habeant, multa attentione perpendamus oportet; pulsus enim arteriarum nequaquam negligendus; nec nihili est, per quantum tempus perstitit morbus, in rationem assumere, multaque alia.

Intestina

* First Lines.

Intestina quoque purgari, alvo liquata, debent; hucque conferunt laxantia medicamenta, ore vel ano ingesta; ut in exiguis quantitatibus sal. cathart. amar. aut ricini ol. saepius administrata, usquedum cieatur alvus.

Quae sudorem promovent, fuerunt insuper laudata: non autem hic sudor largus esse debet, sed eliciendus iis medicamentis, quae nec alvum astringere, nec calefacere solent: inter haec sunt ipecac. tart. emet. aut vin. antim. adjecto opio; atque in intervallis *Riverii haustus salinus* non inutilis erit.

Regimen calefaciens, et stimulantia, quamvis ob stadium frigidum brevius reddendum, forsitan usurpentur, eximie nocent, ideoque hic rejicienda; praecipue vero ea, quae *emenagoga* nuncupantur.

Vitae autem vis in hac, sicut in omni febre putrida, sustentanda: aër frigidulus nec non auxilio est; et, ut supra notatum, mundities praesertim, cujus gratia stragulae et indusia saepe mutantur oportet valde. Si vomitus laceffat, qualis, scilicet, a bili nimis abundante oboriri videatur, lenia emetica, et laxantia, ob eum sistendum, laudata sunt. At ista, quia, utcunque conficiatur, stimulant, parum conveniunt*; ideoque opii pauxillum, quam primum inflammationis signa cessarunt, usurpandum. Potus, aegrae maxime idoneus, habendus,

ex

* Equidem Lutetiae in Parisiorum Nosocomio, *Hôtel Dieu* dicto, ut asseverarunt homines maxima fide digni, admodum profuit administrare ipecacuanhae grana quindecim; horum videlicet dimidiam partem cum morbus primum adoritur, et reliquam postea, interjecto sesquihorae intervallo; an signa fuerint mitiora facta, an aliter.

Macbride insuper et Lind, in omnibus, quae contagione inficiunt, febribus, vomitum insigniter prodesse observarunt.

ex iis, quae mitia, refrigerantia, et diluentia sunt, constat; liquorum vero omnium meraciorum aut ardentiorum usus prohibendus. Si morbus, hac ratione tractatus, se in meliora mutandum esse pollicetur, ad intestinorum conditionem proxime respiciendum est; iis tonum suum redintegrare conandum: atque deinceps aër frigidulus, cortex Peruvianus, et exercitationis sub coelo sereno, aliquid ad incommoda penitus summovenda sufficient. At contra, si malum, vix ac ne vix, se remittit, sed deteriora minitans quasi inveterascit, et ad putredinem jam festinare videtur, ad secundum nostrum consilium confugiendum est, viz. Ut debilitati et putredini infecuturae obviam eatur.

Ex omnibus, huic morbi stadio adnecti solitis, maxime insigne, propter molestiam quam infert, est diarrhoea vix sedanda; haec quidem, etiamsi, ineunte febre, non prorsus inutilis, et ideo promovenda; nunc,
quia

quia immodica fit, clysmatis emollientibus, iis quae leniter sudorem eliciunt, ut etiam opio, et quibusdam astringentibus, praecipue si aegrae vires ex proluvie collabuntur, aliquantulum sistenda: aut, humorum vasa corporis permeantium conditionem corrigendo, aut irritandi facilitatem sublevando, id, quod intestina vexat minus potens, et inquietans, reddere conari fas est. Remediis vero supradictis rite adjiciatur cortex Peruvianus; qui quidem, ob hunc morbum sublevandum, magnas laudes adeptus est; et merito, quamvis subinde defecerit, magni debet haberi.

Epispastica, recta post sanguinis detractionem imposita adversus hoc malum profecisse dicta sunt: ista vero, nullo modo, nisi quarundam partium dolores amovendo, in hac febre proficere posse verisimile videtur.

Utcunque

Utcunque liquores meraciores, victusque generosus, hoc morbo inchoante, noceant, talia nunc prorsus necessaria fiunt; atque si usque perstat diarrhoea, leniter astringentibus in anum injectis, quibuscum quadraginta vel quinquaginta laudani guttae commiscentur, et, sicut res postulant, iteratis, reprimatur oportet: si autem haec parum commodi praestant, tentare licet, quid efficiet rad. columbo, vel forsitan lig. Campechensis, vel quodvis aliud valide adstringens: an vero aliquid commodi proventurum est, si frigida, an sponsia, aspergine, an quavisunque alia ratione admota, aqua, lavetur aegra, quando ingens adest debilitas? certe talis usus, quia cel. noster Profes. Gregory, cum in typho curando non dedignatus est, hic nequaquam nihili habendus. Felicem vero effectum rationum, quas ob hunc morbum summovendum forsitan instituamus, praecipue ex supra recensitis remediis, cito et mature, nec segniter usurpatis, pendere, hic adnotare non erit absolum;

num; etenim ad ea, etiam antequam evidens intermissio contigit, nosmet recipiendum est; quia postea ad lethum morbus adeo festinat, quod omnia medicinae auxilia spernit. Hinc, quandocunque urget admodum vomitus, at alia signa multum augere videtur, *Riverii haustus* propinandi sunt; aut, his parum adjuvantibus, inf. columb. cum tinct. theb. quin, annon proficiet, tentetur nil obstat; ex iis enim certe spes quaedam.

Ad dolores abdominis sopiendos conferre solent catap. emoll. et fomenta; atque vix inutilia erunt epispastica, camphorata, et rubefacientia, cum opio. Dyspnoeae autem et tussi fere semper adversantur epispastica inter scapulas imposita, et spermaceti solutiones. Alia medicamenta, multa et diversa fuere proposita; etiam adeo, ut cuique signo suum remedium non defuisse videatur, nullo autem ab iis auxilio, nisi brevi, citoque desinente, comparato.

Hincque

Hincque puerperarum febris naturam, multoque magis eam tollendi rationem nobis ignotam esse, luculenter patet. Adjiciatur hisce, quod aegra ab hac, eodem modo tractanda est, ac si, a quacunque alia febre convalesceret; sique non cito ad sanitatem redeat, balneum frigidum, aliaque tonica vix non proderunt,

T A N T U M. —

